



### Ko se može prijaviti?

- Mladići i djevojke koji imaju završenu srednju školu III i IV stepena (kandidati za vojnike) ili fakultet (kandidati za oficire)
- Nisu mlađi od 18 godina, niti stariji od 27 godina
- Ispunjavaju uslove konkursa, raspisanog za određeno formacijsko mjesto

### Potrebna dokumentacija za prijavu:

- Prijava na konkurs i biografija \*
- Uvjerenje o državljanstvu
- Rodni list
- Dokaz o prebivalištu
- Original ili ovjerena kopija diplome ili uvjerenja o završenom studiju
- Ovjerena izjava da osoba nije prethodno otpušena iz državne službe. Obrazac možete naći na [www.mod.gov.ba](http://www.mod.gov.ba)

### \* NAPOMENA:

Prije popunjavanja prijave, detaljno pročitajte konkurs, budite sigurni da ispunjavate opće te, ukoliko su navedeni, i posebne uslove koji se odnose na dužnosti na koje želite da se prijavite. Više detalja je na web stranicama Ministarstva odbrane i Oružanih snaga BiH.

Dokumentaciju koja se dostavlja u originalu ili ovjerenjima, i koja ne smije biti starija od roka naznačenog u konkursu, preporučeno poštom pošaljite u jedan od četiri centra za regrutaciju i tranziciju OS BiH, čije su adrese na posljednjoj strani ovog letka.

**Nakon prihvatanja prijave, kandidati se pozivaju na testiranje u jedan od centara za regrutaciju i tranziciju OS BiH (Sarajevo, Banja Luka, Tuzla ili Čapljina)**

### Testiranje kandidata

#### Testiranje se realizuje na sljedeći način:

Test fizičke spremnosti (sklekovi, trbušnjaci i trčanje) provodi se uz stalno video snimanje, radi izbjegavanja eventualnih neregularnosti. Kandidati za oficire rade test engleskog jezika. Testovi se realizuju po pozivu, u jednom od centara za regrutaciju i tranziciju OS BiH. Testiranja traju jedan dan. Norme za provjeru fizičke spremnosti i prezentacija testiranja objavljuju se uz tekst konkursa na službenoj web strani MO BiH.

**Kandidati za oficire** dalje rade testove koji procjenjuju potencijal vođe, ponašanje u grupi i individualne karakteristike kandidata (sposobnost pisanja, psihometrijski test, grupne diskusije, test liderskih sposobnosti, vježbe planiranja, prezentacijske vještine i test fizičke spremnosti). Testiranje se obavlja u Komandi za obuku i doktrinu OS BiH u Travniku i traje pet dana.

Kandidati prolaze liječnički pregled i sigurnosne provjere.

### Najuspješniji kandidati se upućuju na OSNOVNU OBUKU:

- **Osnovna vojnička obuka** izvodi se u Centru za osnovnu obuku Komande za obuku i doktrinu u Pazariću, u trajanju od tri mjeseca. Nakon položene obuke kandidati za vojnike se primaju u profesionalnu vojnu službu u Oružanim snagama BiH, u početnom činu vojnika OS BiH.

**Kandidati za oficire** pohađaju Osnovnu oficirsku obuku, i to u Centru za osnovnu obuku Komande za obuku i doktrinu u Pazariću, u trajanju od tri mjeseca, nakon čega se na šest mjeseci upućuju u Centar za profesionalni razvoj Komande za obuku i doktrinu u Travniku. Po uspješnom okončanju ove devetomjesečne Osnovne oficirske obuke kandidati potpisuju Ugovor o prijemu u profesionalnu vojnu službu u početnom činu oficira, čime i službeno postaju pripadnici Oružanih snaga BiH.

- Specijalistička obuka rodova i službi u koju će budući oficiri biti raspoređeni, provodi se u jedinicama OS BiH.



### ŠKOLOVANJA NA VOJNIM AKADEMIJAMA U INOSTRANSTVU

Svake godine, u skladu s planovima bilateralne saradnje s prijateljskim i partnerskim državama, posebno se provode konkursi za kadete na vojnim akademijama zemalja poput Austrije, Grčke, Hrvatske, Italije, Njemačke, Sjeverne Makedonije, Srbije, Sjedinjenih Američkih Država, Turske i Velike Britanije, što se prigodno oglašava u javnosti.

### INTERNI KONKURS ZA PRIJEM KANDIDATA ZA PODOFICIRE OS BiH

Kandidati koji budu primljeni u profesionalnu vojnu službu u kategoriji vojnika imaju mogućnost tokom svoje službe da se prijave na interni oglas za prijem kandidata za podoficire u OS BiH, a koji se raspisuje svake godine, za kandidate do 35 godina starosti.

Postupak provođenja internog oglasa za prijem kandidata za podoficire je isti kao i za kandidate za oficire, s tim da je dovoljno da imaju završenu srednju ili višu školu te se upućuju na podoficirsku obuku Centra za profesionalni razvoj Komande za obuku i doktrinu u Travniku, u trajanju od tri mjeseca.





[www.mod.gov.ba](http://www.mod.gov.ba)



Letak realizovan uz podršku  
NATO Štapa Sarajevo

## CENTRI ZA REGRUTACIJU I TRANZICIJU ORUŽANIH SNAGA BOSNE I HERCEGOVINE

Dokumentaciju koja se dostavlja u originalu ili ovjerenoj kopiji, i koja ne smije biti starija od roka naznačenog u konkursu, preporučenom poštom pošaljite na jedno od sljedeća četiri centra za regrutaciju i tranziciju OS BiH:

- Sarajevo, tel. 033/773-437

Ministarstvo odbrane BiH, Oružane snage BiH, Komanda za upravljanje personalom, Centar za regrutaciju i tranziciju Sarajevo (Kasarna „Rajlovac“), Safeta Zajke bb, 71000 Sarajevo.

- Banja Luka, tel. 051/335-886

Ministarstvo odbrane BiH, Oružane snage BiH, Komanda za upravljanje personalom, Centar za regrutaciju i tranziciju Banja Luka (Kasarna „Kozara“), Knjaza Miloša bb, 78000 Banja Luka.

- Čapljina, tel. 036/811-084

Ministarstvo odbrane BiH, Oružane snage BiH, Komanda za upravljanje personalom, Centar za regrutaciju i tranziciju Čapljina (Kasarna „Božan Šimović“), Grabovina bb, 88300 Čapljina.

- Tuzla, tel. 035/814-954

Ministarstvo odbrane BiH, Oružane snage BiH, Komanda za upravljanje personalom, Centar za regrutaciju i tranziciju Tuzla (Vojna baza „Zračna luka Dubrave“), 75273 Dubrave Gornje.

**PRIJAVI SE!**



# ORUŽANE SNAGE BOSNE I HERCEGOVINE



**DOPRINESI I TI  
miru i sigurnosti**

## **PRIJAVI SE!**

[www.mod.gov.ba](http://www.mod.gov.ba)

## VODIČ ZA PRIJEM KANDIDATA U PROFESIONALNU VOJNU SLUŽBU